

Բ. ԿԱՐՆԻԱՆԸ ՊԱԹՈՒՄ ՀԱՍԱԾ Է

Երեւանի ձայնասփիւռը կը հաղորդէ թէ ամսոյս 14ին Պաթում հասած է Թրանսիլվանիա շոգենաւը որ կը փոխադրէր ներգաղթի Բ. կարաւանը: Ներգաթողները դիմաւորուած և ընդունուած են ներգաղթի Երեւանի կօմիտէի և Հայաստանի ներքին նախարարութեան ներկայացուցիչներուն կողմէ: Ողջագուերուններէ և ցնծութեան ցոյցերէ վերջ, ներգաղթողները առաջնորդուած են մասնաւոր պատրաստուած տեղերը, ուր կ'արժանանան գուրգուերանքի և հոգածութեան:

Սովիէթական իշխանութիւնները 40.000.000 ռուբլի յատկացուցած են նոր բնակարաններու շինութեան համար: Հայաստանի կառավարութիւնը ներգաղթող ամէն ընտանիքի փոխ պիտի տայ 25—30.000 ռուբլի, որպէսզի իրենց համար նոր բնակարաններ շինել տան: Այդ դրամը պիտի գանձուի 15 տարուայ ժամանակամիջոցին: Ներգաղթողները երկու տարուայ համար զերծ պիտի ըլլան երկրագործական և ամուրիական տուրքերէն: